

اتوار 14 جون، 2020

مضمون۔ انسان نوں بچاؤن والا

سنہری متن: متی 26 باب 53 آیت

”کیہ تینوں نئیں لگدا پئی میں اپنے پیوتوں منت کر سکدا اوں تے اوہ فرشتیاں دے بارہ ٹمن توں بوہتے ہن میرے کول
موجود کر دیوے گا؟ یسوع مسیح

جوابی پڑھائی: 2 سلاطین 6 باب 15 توں 17 آیتاں

زبور 68:17 آیت

زبور 40:4، 5 آیتاں

15۔ تے جد اوس رب دے بندے دا خادم صبح نوں اٹھ کے باہر نکلیا تے ویکھیا پئی اک لشکر گھوڑیاں تے
رتھاں سمیت شہر دے آلے دوالے نیں تے اوس خادم نے جا کے اوہنوں آکھیا اے میرے مالک! اسی کیہ دعا
کریئے؟

16۔ اوہنے جواب دتا ڈرنہ کیوں جے ساڈے نال والے اوہناں دے نال والیاں توں بوہتے نیں۔

17- تے لیشع نے دعا کیتی تے آکھیا اے خداوند اوہدیاں اکھیاں کھول دے تاں جو اوہ ویکھ سکے تہ خداوند نے اوس جوان دیاں اکھیاں کھول دتیاں تے اوہنے نظر کیتی تے ویکھیا پئی لیشع دے آلے دوالے اک پہاڑ آتشی گھوڑیاں تے رتھاں نال بھریا اے۔

17- رب دے رتھ وی ہزار بلکہ ہزاراں نیں۔ خداوند جیویں سیناہ دے پہاڑ اتے اے اونج ای اوہناں دے وچالے مقدس وچ اے۔

4- دھن اے اوہ بندہ جیہڑا خداوند اتے بھروسہ کر دا اے۔

5- اے خداوند میرے خدا! جیہڑے عجیب کم توں کیتے نیں تے تیرے وچ جیہڑے ساڈے دل نیں اوہ بوہت سارے نیں۔ میں اوہناں نوں تیرے سامنے ترتیب نہیں دے سکدا جے میں اوہناں دا ذکر یا بیان کرنا چاہواں تے اوہ گنتی توں باہر نیں۔

درسی وعظ

بائبل وچوں

1- زبور 121:1،2،3، (اوہ جیہڑا)، 7 آیات

- 1- میں اپنیاں اکھیاں پہاڑوں چکاں گا میری کمک کتھوں آوے گی؟
- 2- میری کمک خداوند توں اے جنسے اسمان تے دھرتی نوں بنایا۔
- 3-۔۔۔ اوہ جیہڑا تیرا محافظ اے اونگھے گائیں۔
- 7- خداوند ہر بلا توں تینوں محفوظ رکھے گا۔ تے تیری جان نوں محفوظ رکھے گا۔

2- خروج 23 باب 20، 25 آیتاں

- 20- دیکھ میں اک فرشتہ تیرے اگے گھلداواں پئی راہ وچ تیرا نگہبان ہووے تے تینوں اوس تھان تے آپڑا دیوے جنہوں میں تیار کیتا اے۔
- 25- تے توں خداوند اپنے رب دی عبادت کریں فیروہ تیری روٹی تے پانی اُتے برکت دیوے گاتے میں تیرے وچوں بیماری نوں دور کر دیواں گا۔

3- مرقس 5 باب 25، 26 (ڈکھ سہیا) توں 34 آیتاں

- 25- فیراک عورت جیدے بارہ ورھیاں توں خون جاری سی۔
- 26-۔۔۔ کئی طبیبیاں توں تکلیف سہہ چکی سی تے اپنا سارا مال خرچ کر کے وی اوہنوں کجھ فائدہ نہ ہوئیا سی بلکہ بوہتی بیمار ہو گئی سی۔

بائبل دا ایہ سبق پلین فیلڈ کرچن چرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیریں نال بنیا اے۔

- 27- یسوع دا حال سُن کے جتھے وچوں اوہدے مگر آئی تے اوہدے لباس نوں چھوئیا۔
- 28- کیوں جے اوہ آکھدی سی پئی جے میں اوہدے لباس نوں چھولواں گی تے چنگی ہو جاواں گی۔
- 29- تے فوراً اوہدا خون وگنا بند ہو گیا تے اوہنے اپنے بدن وچ محسوس کیتا پئی میں ایس بیماری توں شفا پائی۔
- 30- یسوع نے فوراً اپنے آپ وچ جان کے پئی میرے وچوں قوت نکلی اوس جتھے نوں مگر مڑ کے آکھیا کسے میرا لباس چھوئیا؟
- 31- اوہدے چیلیاں نے آکھیا توں ویکھد ایس جتھا تیرے اُتے ڈگ داپیا اے تے توں آکھد ایس مینوں کسے چھوئیا؟
- 32- اوہنے چاراں پاسے نگاہ کیتی تاں جو جسے ایہہ کم کیتا اوہنوں ویکھے۔
- 33- اوہ عورت جو کجھ اوہدے توں ہوئیا سی محسوس کر کے ڈردی تے کنبری ہوئی اوہدے آگے ڈگ پئی تے سارا حال سچ سچ اوہنوں آکھ دتا۔
- 34- اوہنے اوہنوں آکھیا دھئیے تیرے ایمان نال تینوں شفا ملی۔ سلامت تڑ جاتے اپنی بیماری توں بچی رہ۔

4- یسعیاہ 63 باب 7، 9 (فرشتہ)، 16 (اوہ)، 19 (توں): آیتاں

- 7- میں خداوند دی شفقت دا ذکر کراں گا۔ خداوند دی ستائش دا اوس سب دے مطابق جیہڑا خداوند نے ساہنوں عنایت کیتا تے وڈھی مہربانی دا جیہڑی اوہنے اسرائیل دے گھرانے اُتے اپنی خاص رحمت تے فراوان شفقت دے مطابق ظاہر کیتا اے۔

- 9۔۔۔ اوہدے حضور دے فرشتے نے اوہناں نوں بچایا۔ اوہنے اپنی اُلفت تے رحمت نال اوہناں دا فدیہ دتا۔
اوہنے اوہناں نوں چکھیا تے قدیم توں ہمیشہ اوہناں لئی پھریا۔
- 16۔۔۔ تُوں اے خداوند ساڈا پیوتے فدیہ دین والا ایں۔ تیراناں ازل توں اے۔
- 19۔ اسی تیرے آل۔

5۔ امثال 3 باب 1 توں 3 (توں پہلاں) 5، 6 آیتاں

- 1۔ اے میرے پتر میری تعلیم نوں فراموش نہ کر۔ بلکہ تیرا دل میرے حکماں نوں منے۔
- 2۔ کیوں جے تُوں ایہناں توں عمر دی درازی تے پیروی تے سلامتی حاصل کریں گا۔
- 3۔ شفقت تے سچائی تیتھوں وکھ نہ ہووے۔ تُوں اوہناں نوں اپنے گلے دا طوق بناوئیں تے اپنے دل دی تختی اُتے لکھ لوئیں۔
- 5۔ سارے دل نال خداوند اُتے بھروسہ کرتے اپنے فہم اُتے تکیہ نہ کر۔
- 6۔ اپنیاں ساریاں راہواں وچ اوہنوں پچھان تے اوہ تیری راہنمائی کرے گا۔

6۔ یرمیاہ 29 باب 11 توں 14 (توں دو جا) آیتاں

- 11- کیوں جے میں تہاڈے حق وچ اپنے خیالاں نوں جان داواں خداوند آکھدا اے یعنی سلامتی دے خیال۔
بریائی دے نئیں تاں جو میں تہانوں نیک انجام دی آس بخشاں۔
- 12- فیر تسی میرا ناں لوو گے تے میتھوں دعا کرو گے تے میں تہاڈی سناں گا۔
- 13- تے تسی مینوں لہجو گے تے پاو گے۔ جدوں پورے دل نال میرے طالب ہوو گے۔
- 14- تے میں مل جانواں گا خداوند آکھدا اے تے میں تہاڈی قید نوں موقوف کرانواں گا۔

7- اعمال 12 باب 1، 3 (اوہ آگے ودھیا) (توں پہلاں)، 4، توں 11 آیتاں

- 1- قریباً اوسے ویلے ہیرودیس بادشاہ نے ستاون لئی کلیسیا وچ کجھ بندیاں اُتے ہتھ پایا۔
- 3- تے اوہنے پطرس نوں وی گرفتار کر لیا۔
- 4- تے اوہنوں پھڑکے گرفتار کیتا تے نگہبانی لئی چار چار سپاہیاں دے چار پہریاں وچ رکھیا ایس ارادے نال پئی
فسح توں بعد اوہنوں لوکاں دے سامنے پیش کرے۔
- 5- ایس لئی قید خانے وچ تے پطرس دی نگہبانی ہو رہی سی پر کلیسیا اوہدے لئی بدن تے جان نال دعا کر رہی
سی۔
- 6- تے جدوں ہیرودیس اوہنوں پیش کرن نوں سی تے اوسے رات پطرس دوزنجیراں نال بندھیا ہوئیادو
سپاہیاں دے وچکار سو رہیا سی تے پھرے والے دروازے اُتے قید خانے دی نگہبانی کر رہے سی۔

7- پئی ویکھو خداوند دا اک فرشتہ آن کھلوتاتے اوس کو ٹھڑی وچ نور چمک گياتے اوہنے پطرس دی پسلی اُتے ہتھ مار کے جگا گياتے آکھیا پئی جلدی اٹھ! تے زنجیراں اوہدے ہتھوں وچوں کھل گئیاں۔

8- فیر فرشتے نے اوہنوں آکھیا پئی کمر بندھ تے اپنی جوتی پالے۔ اوہنے آکھیا اپنا چوغہ پا کے میرے مگر آجا۔

9- اوہ نکل کے اوہدے مگر ٹریا تے ایہہ نہ جانا پئی جو کجھ فرشتے وولوں ہو رہیا اے اوہ واقعی ای اے۔ بلکہ ایہہ سمجھیا پئی رو یا ویکھ رہیا واں۔

10- ایس لئی اوہ پہلے تے دو بے حلقے وچوں نکل کے اوس لوہے دے پھاٹک اُتے اُپڑے جیہڑا شہر وول اے۔ اوہ آپ ای اوہناں لئی کھل گیا۔ ایس لئی اوہ نکل کے کوچے دے اوس سرے تیکر نکل گئے تے اوسے ویلے فرشتہ اوہدے کولوں ٹر گیا۔

11- تے پطرس نے ہوش وچ آ کے آکھیا پئی ہن میں سچ جان لیا پئی خداوند نے اپنا فرشتہ گھل کے مینوں ہیر و دیس دے ہتھوں چھڑا لیا تے یہودی قوم دی ساری آس توڑ دتی۔

8- زبور 91:9 توں 16 آیتاں

9- تُوں اے خداوند! میری پناہ ایس! تُوں حق تعالیٰ نوں اپنا مسکن بنا لیا اے۔

10- تیرے اُتے کوئی آفت نہیں آوے گی۔ تے کوئی و با تیرے خیمے دے نیسڑے نہ اُپڑے گی۔

11- کیوں جے اوہ تیرے بارے اپنے فرشتیاں نوں حکم دیوے گا پئی تیریاں ساریاں راہواں وچ حفاظت کرن۔

12- اوہ تینوں اپنے ہتھوں اُتے چمک لین گے تاں جو اخیج نہ ہووے پئی تیرے پیراں نوں پتھر نال سٹ لگے۔

- 13- تُوں شیر برتے افعی نوں بھینسویں گاتوں جو ان شیرتے اژدھے نوں پامال کریں گا۔
- 14- کیوں جے اوہنے میرے نال دل لایاے۔ ایس لئی میں اوہنوں چھڑاواں گا۔ میں اوہنوں سرفراز کراں گا۔ کیوں جے اوہنے میرا ناں پچھانیاے۔
- 15- اوہ مینوں پکارے گاتے میں اوہنوں جواب دیواں گا۔ میں مصیبت وچ اوہدے نال رہواں گا۔ میں اوہنوں چھڑاواں گا تے عزت بخشاں گا۔
- 16- میں اوہنوں عمر دی درازی نال آسودہ کراں گا۔ تے اپنی مکتی اوہنوں دکھانواں گا۔

سائنس تے صحت

1- 8-5:587

رب۔ وڈھا میں آں؛ سب کجھ جانن والا، سب کجھ دیکھن والا، سارے کم کرن والا، ساری عقل، سارا پیار، تے ابدی، اصول، جان، روح، حیاتی، سچائی، پیار، سارا مواد؛ ذہانت۔

2- 1-27:487

ایہہ سمجھ پئی جیاتی رب، روح اے، جیاتی دی نہ مگن والی اصلیت اُتے، اوہدی قدرت تے لافانیت اُتے یقین رکھن نال ساڈے دن لے کر دالے۔

ایمان اک سمجھے ہوئے اصول اُتے انحصار کر دالے۔ ایہہ اصول بیمار نوں ٹھیک کر دالے تے برداشت تے شیواں دے ہم آہنگ مرحلیاں نوں ظاہر کر دالے۔

3- 20-17:23

ایمان، روحانی سمجھ ول گامزن، اوہ ثبوت اے جیہڑا روح توں حاصل کیتا گیا ہووے، جیہڑا ہر قسم دے پاپ دی مذمت کر داتے رب دے دعویاں نوں قیام بخشدالے۔

4- 16-8:512

روح نوں قوت، حضوری تے قدرت دی تے مقدر خیال، محبت دے پراں دیاں وی علامتاں دتیاں جان دیاں نیں۔ اوہدی حضوری دے ایہہ فرشتے، جنہاں دے کول پاک ترین فرمان اے، سیان دے روحانی ماحول نال جڑے ہندے تے لگاتار اپنیاں خوبیاں نوں دوبارہ پیدا کر دے نیں۔ اسی اوہناں دی انفرادی شکلاں نوں نہیں جان دے، پر اسی ایہہ جان دے آں پئی اوہناں دی فطرت رب دی فطرت تے روحانی برکتاں دے نال

مطابقت رکھدی اے؛ ایہ علامتی ہندیاں ہوئے، خارجی نہیں، فیرومی نفسی نہیں، ایمان تے روحانی فہم نوں بیان کردے نہیں۔

5 - 7-4:581

فرشتے۔ رب دے خیال انسان تیکر آپڑان والے، روحانی الہام، پاک تے کامل؛ چنگیائی، پاکیزگی تے لافانیت دا اثر، ساری بریائی، ہوس پرستی تے فانیت دی مذمت کرن والے۔

6 - 17-7:299

میرے فرشتے اُچے خیالاں والے نہیں، جیہڑے کسے قبر دے بوہے اُتے ظاہر ہندے نہیں، جنہاں وچ انسانی عقیدے نے اپنی احمقانہ دھرتی دیاں آساں دفن کر رکھیاں نہیں۔ چٹیاں انگلیاں نال اوہ اُتلے پاسے اک نویں تے جلالی بھروسے، حیاتی دے اُچے نمونیاں تے ایہدیاں خوشیاں ول اشارہ کردے نہیں۔ فرشتے رب دے نمائندہ کار نہیں۔ اُتلے پاسے ودھن والیاں ایہہ ہستیاں کدی خودی، پاپ یا مادیت ول راہنمائی نہیں کردیاں۔ بلکہ ساری چنگیائی دے الہی اصول ول ہدایت دیندیاں نہیں، جتھے ہر اصلی انفرادیت، شبیہ تے رب دی صورت اکٹھے ہندے نہیں۔ ایہناں روحانی ہدایتاں اُتے سنجیدگی نال دھیان دیندیاں ہوئے اوہ ساڈے نال ٹھہر دے نہیں، تے اسی ”بے خبر فرشتیاں“ دی خاطر داری کردے آں۔

7- 14-9:174

خیالاں دے نقشِ قدم، مادی نقطہ نظر توں اُچے اٹھدیاں ہوئے، بوہت سست نیں، تے مسافر دی لمی رات وُل اشارہ کر دے نیں؛ پر اوہدی حضوری دے فرشتے، اوہ روحانی الہام جیہڑے ساہنوں دسدے نیں پئی ”رات کدوں دی لنگ گئی تے دن نکلن والا اے“، ادا اسی وچ ساڈے نگہبان ہندے نیں۔

8- 18-17:203

اسی اک اعلیٰ حاکم توں بوہت یار ب توں گھٹ طاقت والے حاکم اُتے یقین رکھن دا شکار بن جان دے آں۔

9- 19-18.11-3:204

غلطی دیاں ساریاں شکلاں غلط نتیجیاں دی حمایت کردیاں نیں پئی ایہتھے اک حیاتی توں بوہتیاں حیاتیاں موجود نیں؛ پئی مادی تاریخ اوہنی ای اصلی تے جیوندی اے جنسی روحانی تاریخ اے؛ پئی فانی غلطی آخر کار اوہنی ای ذہنی اے جنسی لافانی سچائی اے؛ تے ایہہ پئی ایہتھے دو کھریاں ہستیاں تے بندے، دو طاقتاں، یعنی روح تے مادانیں، جنہماں دا نتیجہ تیجا بندہ (فانی انسان) ہندا اے جیہڑا پاپ، بیماری تے موت دے بھرماں نوں لے جاندا اے۔

ایس طراں دے نظریے ظاہری طور تے غلط ہندے نیں۔ اوہ سائنس دے امتحان دا سامنا کردی نہیں کر سکدے۔

10- 192:26-19

سائنس وچ، رب دے خلاف تسی کوئی طاقت نہیں رکھ سکدے، تے جسمانی احساساں نوں اوہناں دی جھوٹی گواہی توں پچھاں ہٹنا پیندا اے۔ چنگلیائی لئی تہاڈی پہنچ دا انحصار ایس وزن اُتے اے جیہڑا تسی ٹھیک سکیل اُتے پاندے او۔ جیہڑی نیکی تسی کردے او تے ظاہری جسم تہاںوں بس حاصل ہوون دے قابل طاقت دیندا اے۔ بریائی کوئی طاقت نہیں اے۔ ایہہ طاقت دامداق اے جیہڑا چھیتی نال ای اپنی کمزوری نوں دھوکہ دیندا اے تے فیر کردی نہ اُٹھن لئی بیٹھاں ڈگ جاندا اے۔

11- 183:21-25

الہی سیان جائز طور تے انسان دی پوری فرمانبرداری، پیار تے طاقت دی مانگ کردی اے۔ ایہدے توں گھٹ وفاداری لئی کوئی تحفظ نہیں رکھے جاندا۔ سچیائی دی تابعداری انسان نوں طاقت تے قوت عطا کردی اے۔ غلطی نوں حوالگی طاقت دا گھانا پین نوں ودھادیندی اے۔

12- 495:14-20

جدوں بیماری یا پاپ دا وہم تہانوں آزماندا اے تے رب تے اوہدے خیال دے نال مضبوطی نال جڑے رہو۔
اوہدے مزاج توں علاوہ کسے شے نوں تہاڈے خیال وچ قائم ہوون دی اجازت نہ دیو کسے ڈر یا شک نوں
تہاڈے ایس واضح تے مطمئن بھروسے اُتے حاوی نہ ہون دیو کہ حیاتی دی پچھان والی ہم آہنگی، جیویں پئی
حیاتی ازل توں اے، ایس شے دے کسے وی دردناک احساس یا یقین نوں تباہ کر سکدی اے جیہڑی حیاتی وچ ہے
ای نئی اے۔

13- 130:26-2

جے رب یا سچائی دی بالادستی لئی سائنس دے مضبوط دعوے اُتے خیال چونک جاندا ہے نیں تے چنگیائی دی
بالادستی اُتے شک کر دے نیں، تے کیہ ساہنوں، ایہدے اُلٹ، بدی دے زبردست دعویاں اُتے حیران
ہونا، اوہناں اُتے شک کرنا تے پاپ توں نفرت کرن نوں فطری تے ایہنوں چھڈ دین نوں غیر فطری خیال
کرنا، بدی نوں ہمیشہ موجود تے چنگیائی نوں غیر موجود خیال نہیں کرنا چاہیدا؟ سچائی نوں غلطی وانگر عجیب تے
غیر فطری نہیں لگنا چاہیدا تے غلطی نوں سچائی وانگر اصلی نہیں لگنا چاہیدا۔

14- 548:13-17

فانی غلطی دی ہر افیت غلطی نوں برباد کرن وچ غلطی دی مدد کردی اے، تے اتخ لافانی سچائی نوں سمجھن
وچ مدد دیندی اے۔ ایہہ نویں پیدائش ہر ویلے جاری رہندی اے، جیدے وچ انسان فرشتیاں، رب دے
اصلی خیالاں، تے ہستی دے روحانی فہم نوں بہلاؤندے نیں۔

15- 8-7:6-3:567

ایہہ فرشتے ساہنوں گہرائی توں بچاندے نیں۔ سچائی تے محبت افسوس دے موقع اُتے نیہرے آجاندے
نیں، جدوں مضبوط ایمان تے روحانی طاقت آپس وچ کشتی کردی تے رب دے فہم دے پاروں پھیلدی
اے۔۔۔ لا متناہی ہمیشہ موجود محبت لئی سب کچھ محبت اے، تے کوئی غلطی، پاپ، بیماری نہیں تے نہ موت
اے۔

16- 31-29:224 (توں دو جا)

رب دی قدرت قیدیاں لئی آزادی لیاؤندی اے۔ کوئی طاقت الہی محبت دا مقابلہ نہیں کر سکی۔

17- 17-14:372

جدوں انسان پوری طراں کر سچن سائنس نوں ظاہر کر دالے، تے اوہ کامل ہو جاوے گا۔ اوہ نہ پاپ کرے گا، ڈکھ سہوے گا، مادے دے ماتحت ہووے گا تے نہ رب دی شریعت دی نافرمانی کرے گا۔ ایس لئی اوہ آسمان دے فرشتیاں وانگر ہووے گا۔

روزانہ دے فرض

میری بیکرا ایڈی دلوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کر دالے، تے اک مسیحی سائنسدان پاپ نوں رد کر دیاں ہووے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دالے۔ ایس چرچ دے سارے رکنان نوں

بائبل دا ایہہ سبق پلین فیلڈ کر سچن چرچ، آزاد لوں تیار ہو یا اے۔ ایہہ کنگ جیمز بائبل دیاں آیتاں تے میری بیکرا ایڈی دی لکھی ہوئی کر سچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیاں۔

سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین
توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے
رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں
اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔